

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1808098268 որոշումն անփոփոխ, իսկ գանգատն առանց բավարարման թողնելու մասին

<<02> 08 2018թ.

17-4-4410

ք. Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե. Կարապետյանս, ուսումնասիրելով քաղաքացի Գագիկ Մելքոնյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Գագիկ Մելքոնյանը (հիմք՝ 72406-18) դիմում է ներկայացրել Ճանապարհային ոստիկանություն այն մասին, որ վարել է էմմա Մուշեղյանին պատկանող **OPEL** մակսիշի **34 FT 093** հաշվառման համարանիշի տրանսպորտային միջոցը և խնդրել է նշված տրանսպորտային միջոցով կատարված իրավախախտումով կայացված թիվ 1808098268 որոշումը վերահասցեագրել իրեն:

ՀՀ Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> ՀՀ օրենքի 7-րդ հոդվածի 6-րդ մասի համաձայն գանգատը (բողոքը կամ հայցադիմումը) կարող է ներկայացվել վարչական ակտի հասցեատիրոջ կամ խախտում կատարած անձի կողմից և պետք է պարունակի խախտումը կատարած անձի անունը, ազգանունը, վարորդական վկայականի սերիան և համարը, քնակության վայրը, ինչպես նաև դրան պետք է կցվեն գանգատը ներկայացնող անձանց անձնագրերի և տրանսպորտային միջոցի հաշվառման փաստաթղթի պատճենները: Եթե տրանսպորտային միջոցն օգտագործվում է գրավոր պայմանագրի հիման վրա, ապա գանգատին (բողոքին կամ հայցադիմումին) պետք է կցվի նաև պայմանագրի պատճենը:

Դիմումի ուսումնասիրության ընթացքում պարզվել է, որ դիմումատուն չի պահպանել վերոնշյալ իրավանորմով սահմանված պահանջները, մասնավորապես դիմումին չի կցել վարորդի անձնագրի պատճենը և չի նշել վարորդական վկայականի սերիան և համարը:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1808098268 որոշումը թողնել անփոփոխ, իսկ գանգատն առանց բավարարման:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

3. Սույն որոշման օրինակն ուղարկել Գագիկ Մելքոնյանին՝ (ծանուցման հասցե՝ ք. Երևան, Բազրկանդի փ., 12. հար. տար., տուն 7, **պատճենը**՝ քաղաքացի էմմա Մուշեղյանին, ծանուցման հասցե՝ ք. Երևան, Նոր Նորք, Նանսենի փ., 2. 16, բն. 12) և ՏՄՀԽԱ կենտրոն:

Ե. Կարապետյան